



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CXXII. Suffragium pro singulis Superioribus Provinciarum FF. Eremit S.
Aug. in Ind. Occident.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

CXXI.

Confirmatur Decretum Congregationis Epif., & Regul. de suffragio concedendo Superioribus cujuscumque Conventus Min. de Observ. in Provinciis Indiarum Occident. non obstante Constitutione Pauli V.

Idem concessum fuit Provinciis Florida, & de Buenos ayres, necnon S. Antonini, & S. Crucis FF. Predicatorum Constitutionibus editis 1707. Nov. 31. 1708. Jul. 20. & 1712. Jun. 10. Item quibusdam Provinciis FF. S. Aug. Constitutione ed. 1713. Jun. 21. P. 13. Laudata Pauli Const. ed. fuit 1611. Dec. 23. Et Const. ed. 1717. Jan. 25. P. 17. agitur de Visitatore pro Provincia Chilen.

Dat. 16. Junii 1713. An. 13.

CLEMENS PAPA XI.

Ad futuram rei memoriam.

Ne Superiores parvorum Canoniorum suffragium ferrent in Capitulis Provincialibus obstat Pauli V. Constitutio.

Nuper pro parte dilecti filii Andreae de Quiles fratris expresse professi Ordinis Minorum S. Francisci de Observantia nuncupatorum Procuratoris Generalis in Curia Matritensi omnium Provinciarum Indiarum Occidentalium ejusdem Ordinis Congregationi Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium praeposita exposito, quod cum a longissimo tempore in pluribus Provinciis, & Domibus earundem Provinciarum ob Indorum paupertatem exiguus Religiosorum numerus sustentatus fuisset, dictique Religiosi instructioni illorum populorum pro conservanda Fide Catholica sedulam operam navassent, evenerat, prout de praesenti eveniebat, ut Religiosi hujusmodi in aliqua ex dictis Domibus tres, in altera duo, in alia vero unus tantum reperirentur, ac attempto tam exiguo Religiosorum numero Guardiani, & Superiores earundem Domorum impediti fuerint qui vota, sive suffragia in eorum Capitulis Provincialibus absque notorio scandalo ferre potuerint, in vim quarumdam literarum fel. rec. Pauli PP. V. Praedecessoris nostri die 23. Decembris 1611. expeditarum, per quas statuebatur, ut Conventus praedicti supprimi, eorum vero Religiosi ad alios Conventus commodiores transferri deberent, & alias, prout in praedictis literis, quarum tenorem praesentibus pro plene, & sufficienter expresse, ac de verbo ad verbum inserto haberi volumus, uberius dicebatur contineri. Et in eadem expositione subjuncto, quod memorati Pauli Praedecessoris literae executioni demandatae minime reperiebantur, sed solum allegabantur ad fovendas dissensiones, prout Venerabilis Frater modernus Archiepiscopus Sanctae Fidei in eisdem Indiis praedictae Congregationi Cardinalium retulerat, proindeque ut inter memoratos Religiosos mutua animo tranquillitas stabiliretur, eidem Congregationi Cardinalium supplicato, ut circa praemissa id quod alias ad favorem Provinciarum Floridae, & de Buenos ayres Fratrum ejusdem Ordinis, necnon Sancti Antonini novi Regni Granatae, & Sanctae Crucis Ordinis Fratrum Praedicatorum in eisdem Indiis die 21. Novembris 1707., & die 20. Julii 1708. necnon die 10. Junii anni proxime praeteriti rescriptum fuerat, nempe ut memoratis Pauli Praedecessoris literis minime obstantibus, etiam in reliquis supradictis ejusdem Ordinis S. Francisci de Observantia Provinciis servari decerneretur. Emanavit ab eadem Congregatione Decretum tenoris, qui sequitur, videlicet: Sacra Congregatio Eminentissimorum, & Reverendissimorum S. R. E. Cardinalium negotiis, & consultationibus Episcoporum, & Regularium praeposita, ad

Causae praed. Decreti.

Decretum Congregationis.

quam Sanctissimus Dominus Noster supplicem hunc libellum remisit, audito P. Procuratore Generali Ordinis, referente Eminentissimo de Abdua, censuit, ac decrevit servandum solitum, enunciato Brevis S. M. Pauli V., & aliis quibuscumque non obstantibus. Romae 16. Martii 1713. G. Cardinalis Carpineus. T. A. Nicenus Sec.

§. 1. Cum autem, sicut dictus Andreas Nobis subinde exponi fecit, ipse Decretum hujusmodi quo firmiter subsistat, & servetur exactius Apostolica confirmationis nostrae patrocinio communitur plurimum desideret: Nos ipsius Andreae votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innotatus existit ad effectum praesentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, Decretum praesertim auctoritate Apostolica tenore praesentium approbamus, & confirmamus, illique inviolabilis Apostolica firmitatis robur adjicimus; salva tamen semper in praemissis auctoritate Congregationis Cardinalium.

§. 2. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quancumque spectabit, in omnibus, & per omnia plenissime suffragari, & ab eis respective inviolabiliter observari: sicque in praemissis per quoscumque judices Ordinarios, & Delegatos, etiam Causarum Palatii Apostolici Auditores judicari, & definiti debere; ac irritum, & inane si secus super his a quoquam, quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, necnon quatenus opus sit Provinciarum, & Ordinis praedictorum, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permanfuris, ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

Datum in Arce Gandulphi Albanen. Dioecesis sub Annulo Pisc. die XVI. Jun. MDCCXIII. Pontificatus nostri Anno Decimotertio.

Confirmatur Decretum Congregationis Epif., & Reg. de concedendo suffragio Superioribus cujuscumque Cœnobii Fratrum Eremitarum S. Augustini in quibusdam Provinciis Indiarum Occident., non obstante Constitutione Pauli V.

Simile Decretum pro Fratribus Minoribus de Observ. vide Constitutionem praecedentem. Const. ed. 1708. Aug. 14. P. 8. extat Decretum contra alternativam in Provincia B. M. V. de Gratia. Et Const. ed. 1720. Off. 20. P. 20. augetur numerus Magistrorum in Provincia Peruviana.

CLEMENS PAPA XI.

Ad futuram rei memoriam.

Nuper pro parte dilecti filii Augustini Garciae de Galbes Fratris expresse professi Ordinis

Preces Procuratoris Provinciarum in Curia Matriten.

Confirmatio relati Decreti.

Clausula.

CXXII.

Dat. 21. Junii 1713. An. 13.

Ne Superioribus parvorum Canoniorum

Eremita-

bioium
præd. suffra-
gium de mo-
re concede-
retur, veta-
bat Constitu-
tio Pauli V.

Eremitarum S. Augustini in Sacra Theologia Magistri, ac Procuratoris Generalis Provincia- rum B. Mariæ de Gratia nuncupat. novi Regni Granaten. Peruvii, & Mexican. ejusdem Ordinis in Indiis Occidentalibus Congregationi Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositæ exposito, quod licet in aliquo earumdem Provinciarum Conventibus, seu Domibus valde exiguis, nempe duorum, trium, seu quatuor Religiosorum numerus aletur, ac etiam in nonnullis Domibus hujusmodi unus tantum Religiosus nomine Prioris habitaverit, & inhabitaret, nihilominus iidem Conventus omnibus illis prærogativis, quibus cæteri Conventus majori, & sufficienti eorumdem Religiosorum numero referti frui solebant, fruebantur, & inter alia, ut eorum Priores, seu Vicarii pro legitimis Superioribus semper habiti, ac voto sive suffragio in Capitulis Provincialibus potiti fuerint ex eo quia prædictorum Religiosorum munus in instruendis in explicatione Catechismi Populis illarum partium, eisque ad gremium Fidei Catholicæ adducendis versabatur, eaque de causa satis longe se conferre cogebantur, nec eis ob tam considerabilem distantiam ad propriam Domum, nisi post plurimum mensium, vel etiam alicujus anni spatium redire licebat. Porro hoc minime obstante vigore quarundam literarum fel. rec. Pauli PP. V. Prædecessoris nostri die 23. Decembris 1591. in simili forma Brevis desuper expeditarum prætendebatur Conventus hujusmodi, qui octo Religiosorum numerum sustentare nequissent, supprimi debere, si vero ad suppressionem hujusmodi devenire minime posset, Religiosi ad alios Conventus, seu ad alias Domos Regulares transferendi essent, itaut in partibus Indiarum non reperiretur Monasterium, aut Regularis Domus, in quo, seu qua minor numerus octo Monachorum, seu Fratrum Regularem vitam duceret, & alias, prout in supradictis Pauli Prædecessoris literis, quarum tenores præsentibus pro plene, & sufficienter expressis, ac de verbo ad verbum insertis haberi volumus uberius continetur. Et in eadem expositione subjuncto, quod prædictæ Pauli Prædecessoris literæ executioni nunquam demandatæ fuerant, si vero executioni hujusmodi demandatæ essent, diversæ inordinationes, non sine maximo scandalo exinde essent orituræ, prout Venerabilis Frater modernus Archiepiscopus S. Fidei eidem Congregationi Cardinalium retulerat, eaque de causa memorati Pauli Prædecessoris literæ, quarum executio arbitrio Archiepiscoporum, & Episcoporum tunc in eisdem partibus existentium commissa fuerat, hucusque ab eis ob præmissa ejusmodi executioni demandatæ minime reperiebantur. Proindeque prædictæ Congregationi Cardinalium supplicato ut circa præmissa nihil innovari, sed solum in dictis Provinciis non obstantibus præfatis Pauli Prædecessoris literis quemadmodum per eandem Congregationem Cardinalium Provincie Floridae, & de Buenos agros Ordinis Fratrum Minorum S. Francisci de Observantia nuncupat. die 21. Novembris 1707., & die 21. Julii 1708. necnon die 10. Junii anni proxime præteriti Provincie S. Antonini novi Regni Granaten., & S. Crucis Ordinis Fratrum Prædicatorum in eisdem Indiis ad earum favorem rescribi obtinuerunt, servari deberet, emanavit ab eadem Congregatione Cardinalium Decretum tenoris, qui sequitur, videlicet: Sacra Congregatio Eminentissimorum, & Reverendissimorum S. R. E. Cardinalium negotiis, & consultationibus Episcoporum, & Regularium præposita, ad quam Sanctissimus Dominus Noster supplicem hunc libellum remisit, audito Patre Procuratore Generali Ordinis referente Eminentissimo de Abdua cen-

suit, ac decrevit, servandum solitum, non obstante enunciato Brevis S. M. Pauli V., & aliis quibuscumque. Romæ 16. Martii 1713. G. Cardinalis Carpineus. F. A. Nicænus Sec.

§. 1. Cum autem, sicut dictus Augustinus Garzias Nobis subinde exponi fecit, ipse Decretum hujusmodi quo firmius subsistat, & servetur exactius Apostolicæ confirmationis nostræ patto- cinio communiti plurimum desideret; Nos ipse Augustini Garzias votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus exiit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter potestatis inclinati, Decretum præinsertum auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robor adjicimus; salva tamen semper in præmissis auctoritate Congregationis Cardinalium.

§. 2. Decernentes easdem præsentibus literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit, in omnibus, & per omnia plenissime suffragari, & ab eis respective inviolabiliter observari: sicque in præmissis per quoscumque Judices Ordinarios, & Delegatos, etiam Caesarum Palatii Apostolici Auditores, judicari, & definiri debere; ac irritum, & inane, si secus super his a quoquam, quavis auctoritate, scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, necnon quatenus opus sit Provinciarum, & Ordinis prædictorum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis, Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis, habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum in Arce Gandulphi Albanen. Diœcesis sub Annulo Piscatoris die XXI. Junii MDCCXIII. Pontificatus nostri Anno Decimo tertio.

Mandatur Ordinariis quamplurimum nationum, & Generalibus Religiosorum Ordinum, ut commendari curent Populis Christifideles Captivos.

Idem mandatum extat Constit. ed. 1709. Maji 25., P. 9. Inn. XIII. Const. ed. 1721. Nov. 21. P. 1. confirmantur literæ Urb. VIII. pro indigentibus locorum Terra Sancta.

CLEMENS PAPA XI.

Ad futuram rei memoriam.

CUM sicut dilectus filius Hieronymus Cavizzudo in Sacra Theologia Doctor Minister, & Superior Conventus Sanctæ Franciscæ Romanæ de Urbe, necnon Procurator Generalis Ordinis Fratrum Sanctiss. Trinitatis Redemptionis Captivorum, Nobis nuper exponi

Preces Procuratoris Provincialium.

Confirmatio relati Decreti.

Clausulæ.

CXXIII.

Dat. 16. Sept. 1713. An. 13.

Causa præsentis Constitutionis, & preces Procuratoris Gen. Ord. SS. Trinit. Red. Captiv.

Causa sequentis Decreti.

Decretum Congregationis.